

Notæ ad Marmora Hebræa.

313

scilicet 1. membrana 28. Cart. 171. anni ejus primi. "Rex omnibus fide-
libus suis & omnibus & Judæis & Anglis salutem. Sciatis nos concessisse &
præsenti charta nostra confirmasse *Jacobo* Judæo de London, Presbytero Ju-
dæorum, Presbyteratum omnium Judæorum totius Angliæ, habendum &
tenendum, quamdiu vixerit, libere & quiete, & honorifice, & integre, ita
quod nemo ei super hoc molestiam aliquam aut gravamen inferre præsu-
mat. Quare volumus & firmiter præcipimus, quod eidem *Jacobo* quoad
vixerit, Presbyteratum Judæorum per totam Angliam garantetis, manu-
teneatis & pacifice defendatis; & si quis ea super hoc forisfacere præsum-
serit, id ei sine dilatione (salva nobis emenda nostra) de forisfactura no-
stra emendari faciatis, tanquam dominico Judæo nostro, quem specialiter
in servitio nostro retinuimus. Prohibemus etiam ne de aliquo ad se perti-
nente ponatur in placitum, nisi coram nobis, aut coram capitali Justitia no-
stra sicut Carta Regis Ricardi fratris nostri testatur. Teste S. Bathoniensi
Episcopo, &c. Dat. per manus H. Cantuariensis Archiepiscopi Cancellarii
nostri apud Rothomagum 31 die Julii anno Regis nostri primo. Crearat scilicet
Jacobum hunc Presbyterum Ricardus primus. Dignitatem ei diploma-
mate hoc firmat Johannes. Submovisse item Presbyterum hunc Regem
(interveniente scilicet Judicum, ad quorum cognitionem spectabant res Ju-
dæorum, sententia) constat ex alio Henrici tertii diplomate, quo item Judæo-
rum Communitati Angliæ primo conceditur, ut in posterum Presbyte-
rum seu Sacerdotem, sive Episcopum sibi eligerent, ita tamen ut Regi e-
lectum præsentarent; atque ejusdem impetrarent, non aliter, puto, ac soda-
litia Decanorum & Capitulorum Christiana in Episcopis elegendis, assensum.
Hæc discimus ex Tabulis publicis quas *Patentes* anni 41. Henrici tertii voca-
mus. In eis, membrana 4. numero 6. habetur quod item interferebat heic
visum est. "Rex omnibus, &c. Cum *Elyas* Episcopus Judæus noster Lon-
don, pro transgressione quam fecit tam nobis quam dilecto fratri nostro
Regi Alemanniæ, à Sacerdotio Communitatis Judæorum Angliæ, coram
dilectis & fidelibus nostris Philippo Basset, Philippo Lavel, Henrico de Ba-
thon, Simone Passel, & ceteris Justitiariis ad Custodiam Judæorum assi-
gnatis, quos ad transgressionem illam convincendam Justiciarios nostros
assignavimus, per judicium eorum ad sacarium nostrum fuerit ab-
judicatus, & de ejusdem Sacerdotii officio & de omnimodis aliis officiis, &
Ballivis, quas de nobis prius obtinuit, sit depositus; Nos de consilio eorum-
dem Justiciariorum concessimus prædictæ Communitati Judæorum nostro-
rum Angliæ, per finem trium marcarum auri, quem *Cresse* & *Haginus* fra-
ter ejusdem Judæi nobis pro eadem Communitate fecerunt, quod prædi-
ctus *Elyas* Sacerdotium illud nunquam in posterum habeat & recuperet, &
quod nullus de Communitate illa de cetero sit Sacerdos, nisi per commu-
nem electionem Communitatis ejusdem, & quod illa Communitas post de-
cessum cujuslibet Sacerdotis sic electi alium eligendi quemcunque voluerint
Sacerdotem, liberam habeat facultatem, ac ipsum nobis præsentandi, ut no-
strum super hoc assensum obtineat & favorem. In cujus &c. T. R. apud
Wodestock 20 die Julii. Sacerdotium ejusmodi *Hagino* filio *Deulares* Ju-
dæo conceditur ab *Edwardo* I. ut videre est in ejusdem diplomate, quod ha-
betur in *Patentibus* anni ejus 9. membrana 20. Sed Judæi tandem anno ejus-
dem Regis 18, qui reparatæ salutis est 1293. ex Anglia in exilium pulsi sunt.
Et mirum est, quod, cum insignes faceret in Calendario Judæorum Rabbi *Ori*
Ben-Simeon Epochas eorum exilii ex Francia, Hispania, & Portugallia, id,
quod in Anglia subiere, omnino omitteret. Et numerus & gentis calamitas
fatis etiam exilii Anglicani memoriam exegisse videatur. De eo confulas
imprimis *Thomam Walsinghamium* in Hypodigmate Neuftria & Florilegum.

Q99 2

Adi-